

紀念吳希曾先生

吳希曾先生事略

畢慶昌

吳君希曾字亦魯，江蘇淮陰五里莊人。民國二十年夏，負笈入部，考入國立中央大學。初攻農業化學，一年後轉入地質學系。時故教授鄭厚懷先生主講中大，君從之遊，因於鐵牯學及鑛床學所獲甚多。二十四年夏，君在中大畢業；旋即考入實業部地質調查所，是為君服務於地質學界之始。時貴州省籌辦地質調查所，草創之初，人材羅致不易，因向實業部地質調查所商借人員，君即於是年秋隨王君曰倫，熊君永先奉派前往。入巫峽，溯綦江，以至黔中。於役西南，計時一年有半；登梵淨，涉烏江，深達苗疆，幾遍歷黔東各縣。君在黔工作，除測製路線圖，調查普通地質外，於金屬鑛藏尤多觀察，經較詳之研究者，計有省溪萬山場及大礮硐，晃縣酒店塘，八寨，三合等處之硃砂鑛；獨山苗林，三合苗龍場，榕江八蒙，江口梵淨山等處之錳鑛；下江宰便之磁黃鐵鑛；三合野竹，丹江蜂塘寨，鎮遠等處之鉛鋅鑛；青溪，平越，八寨，獨山，三合永從等處之鐵鑛；梵淨山之金鑛以及鱸山翁項之油田。其後原有工作稍告段落，復就近分任南嶺地質調查；是以更兩涉融江，沅水，展痕椎蹟因又留佈於桂北湘西。二十六年抗日戰起，君隨所來湘，慨夫天地絳塵，乃有從戎之志。因於二十七年一月投考

中央軍校，遂名列戎行。行有期矣，忽得家中電訊，悉其尊人衰病甚危，致未及如期入伍，養親報國，忠孝難全，知君以爲憾也。二十七年二月初所中以湘西辰溪芷江一帶之煤田亟待開發，以君屬舊地重遊，乃請其前往。其月八日，君與資源委員會王君德森等自長沙啓程，乘公路局客車循京滇國道前往。不意行經西距長沙約八十公里益陽縣屬之山青鋪地方，因軍車爭先，客車竟爲衝覆，崩頽道左，突兆焚如，君與偕行諸君，同罹於難，衣冠僅餘殘燼，軀骸半化劫灰，念其生日辛勞，想其死時慘苦，凡爲知者，將何堪痛惜之情邪？君生於前清宣統二年（公元一九一〇年），歿時年纔念九耳。君無兄弟，亦未有室，遙知六十衰翁傷明之痛，定非我輩所可想及其萬一也。君在黔工作之報告已脫稿者有「貴州東部鑛產簡報」係與王曰倫，熊永先二君合著，另有「中國西南部震旦紀之氷川」一文，係與王曰倫君合著亦已脫稿。至於「貴州東部地質」，則尙未完成。辛勞逾歲，未及親睹其成，君能無憾也。君久役西南，是以於震旦紀及下古生代之變質岩，亦頗多觀察。行前數日，終日孜孜，刳火之來，竟令大塊文章，永成絕響矣。